

建寧府志卷之四十五

藝文

題詠一

五言古

北苑十詠

建安

宋
蔡襄

出東門向北苑路

曉行東城隅光華着諸物溪漲浪花生山晴鳥聲出
稍稍見人煙川原正蒼鬱

北苑

蒼山走十里斗落分兩臂靈泉出池清嘉卉得天味

建寧府志

卷之四十五

五言古一

一

季

入門脫世氛官曹眞傲吏

茶龍

造化曾無私亦有意所加夜雨作春力朝雲護日華
千萬碧玉枝戢戢抽靈芽

采茶

春衫逐紅旗散入青林下陰崖喜先至新苗漸盈把
競携筠籠歸更帶山雨寫

造茶

屑玉寸陰間搏金新範裏規呈月正圓勢動龍初起

□出香色全爭誇火候是

試茶

兔毫紫甌新蠨眼青泉煮雪凍乍成花雲閑未垂縷
願爾池中波去作人間雨

御井

山好水亦珍清切甘如醴朱榦待方空玉壁見深底
忽爲先竭憂嚴扃有時啓

龍塘

泉水循除鳴中坻龍矯首振足化仙陂回晴窺畫牖

建寧府志

卷之四十五

五言古一

二

季

應當歲時旱噓吸雷雲走

鳳池

靈禽不世下刻像成羽翼且類醴泉飲豈復高梧息
似有飛鳴心六合定何適

修貢亭

清晨掛朝衣盥手署新茗騰蚪守金鑰疾騎穿雲嶺
修貢貴謹嚴作詩諭遠

玉溪八詠

甌寧

玉溪風月

明馮回

玉溪濬清源安流靜無波修梁旣虹跨層軒亦星羅
霄月麗衡漢微風動瓊柯長溜噴新響短簫逐酣歌
石壁凌層隅蒼然宛如削乃知開闢有匪爲金牛鑿
雲滿澗石陰日出煙光薄碣石已漂淪巨鰲焉可託
誓同餐霞人其營西山藥

石壁雲煙

龍陂春水

澄波繞雲麓叅差龍鱗渙春冬有羸縮澹滌無瀾漫
鯪鯉恣遊揚鳧鷖相散亂洪河詎不廣決齧徒爲患
建寧府志

卷之四十五

五言古一

三

二百六十六
禾

焉知只尺流百頃資溉灌

牛山夕照

陟彼牛山巔憑虛縱遐觀羣峯紛在矚邈若升雲漢
俯視井邑人營營幾遷換爽鳩苟已徂繁華竟雲散
始知晏子賢能弭齊侯歎

西林喬木

西林有喬木秀色無春冬深根盤厚地高柯拂蒼穹
西枝淪曉白東枝掛朝紅郢氏豈不顧材大難爲庸
終同夸父杖迴薄凌天風

北嶺孤松

孤生北嶺松特立煙霞外百尺傍無枝亭亭若車蓋
下伏鳥獸形上與風雲會四時清陰敷元鶴紛來萃
行人惜不去佇立聽竽籟

峽橋泉響

峽中石梁橫下有流泉注鏗錚觴澗迴澗汨隨波去
泠泠指下彈歷歷絃中語伯牙旣已矣嵇康不復遇
誰能抱絲桐寫此靜中趣

野寺鐘聲

招提矗雲構杳在北山麓羣峯條將暝踈鐘如斷續
鏗鏘入雲漢迢遞出空谷行客逐徒侶居人候樵牧
四顧層陰生蒼煙起虛曲

遊龍潭

建陽

宋 劉子翬

四客同笑言一僧陪杖屨徜徉山水窟適意忘晨暮
踈鐘北巖寺細竹溪南路中流石參差不礙潺湲注
泓澄一龍潭潤氣金碧聚時驚木葉墜俯見雲影度
斯遊非預期偶爾造佳處幼輿丘壑情陶令琴觴趣
□留慰所願惟以賓友故夕陽淡寒山遲回不能去

容膝軒

在考亭

朱松

淵明乃畸人遊戲於塵寰南窓歸徙倚宇宙容膝間
豈不念斗米折腰諒匪安是非無今昨飛倦會須還
國器青雲姿逸志追孔鸞曲肱數椽底尙友千載前
規模琴書室料理松菊緣心遊萬物表了覺函丈寬
念君方適越昔至誰云然要知丘壑志本出軒裳先
瑣闥麗宸居追飛不云艱回車莫待遠泉石聞此言
早發潭溪西登雲谷取道芹溪友人丘子野留
宿因題芹溪小隱貽之作詩以記其事

建寧府志

卷之四十五

五言古一

五

二百二十六
禾

朱熹

我來屏山下奔走倦僮僕亭亭日已中冠巾濕如沐
訪我芹溪翁解裝留憩宿茗盃淪甘寒溫泉試新浴
抖擻神氣清散步搯筇竹廬峯在瞻望隱隱見雲谷
頓覺塵慮空豁然洗心目君居硯山西高隱志不俗
窓几列琴書庭臯富花木往來數相過主賓情意熟
開樽酌香醪警欬話衷曲從容出妙句滿幅燦珠玉
邀約登赫曦襟期伴幽獨茲遊得良朋道義推前夙
□字爲留題深愧手錐秃

登廬峯

廬山一何高上上不可盡我行獨忘疲泉石有招口
須臾出蒙密矯首眺無畛已謂極崢嶸仰視猶隱嶙
新齋小休憩餘力更勉黽東峯切霄漢首夏正淒緊
杖策同攀躋極目散幽窘萬里俯連環千重瞰孤隼
因知平生懷未與塵慮泯歸塗采薇蕨晚餉雜蔬荀
笑謂同來人此願天所允獨行會淹留寒棲甘菌蠹
山阿子慕予無憂勒回軫

寓浮翠亭

和劉叔通韻

建寧府志

卷之四十五

五言古一

六

二百九十八
禾

弱植有孤念獨往窮名山那知歲月逝白首塵埃間
今朝定何期憑高睨清灣羣賢亦戾止共此一日閑
晤言不知疲林鳥昏飛還勝踐可無紀重來諒非艱
留語巖上石毋使門嘗關

和

黃 幹

涼風振幽壑陰雲翳前山高情勵清秋適意林莽間
煙橫萬家井水淨雙溪灣徙倚暮忘歸人境相與閉
遊子獨何爲千里方言還陪此杖屨遊忘彼道路艱
心期更他日依巖結柴關

遊西山

蔡沉

紫荊相依倚綠蓀自蒙密秋蘭澗中花山果路邊實
沿岡引霜藤臨流坐寒石日暮陰崖開雲收遠山出
踈籬尙存菊荒庭舊垂橘絲桐想虛堂簡策見靜室
俯仰今幾時漫然已陳跡摩挲蒼苔痕屐齒不可識

潭溪十七詠

崇安

悠然堂

宋 劉子翬

吾廬猶未完作意創此堂悠然見南山高風邈相望
賓至聊共娛無賓自徜徉

建寧府志

卷之四十五

五言古一

七

一百四十

禾

海棠洲

煌煌海棠洲錦樹臨溪灣常恨灣頭風吹花走潺湲
潺湲去不息花亦無由還

醒心泉

藤蘿撥不開石竇一鑑明携瓢酌清甘漻然瑩心情
我病不能酌時來聽泠泠

懷新亭

茅簷入竹低曠野時寓目寂寂農家春新秧滿田綠
何時稻登場秋山響蓬樸

宴坐巖

青青梲樹林下蔭蒼蘚石幽人宴坐時懷抱忘其適
不見莫樵歸寒山雨中碧

山館

春林遶舍青門館終日靜吾心樂有餘所寓皆勝境
更鑿亭下池溶溶浸山影

涼陰軒

北窓何所見踈竹雜遙岑涼飈思有無虛簷動蕭森
此興何由盡移床入翠陰

建寧府志

卷之四十五

五言古一

八

一百〇八
禾

橘林

木奴困新移憔悴雪霜侵呼童剪其顛割愛慮已深
會待春氣回青枝補故林

蓮池

蓮池一畝餘瀰瀰吞衆流花繁不近堤欲往無方舟
不及池中魚隨波自沉浮

南溪

聊爲溪上游一步一回顧悠悠出山水浩浩無停注
惟有舊溪聲萬古流不去

早賦堂

南溪抱山流潤氣滋林麓平生歸歎心寄老一堂足
夢破午窓夢清風在寒竹

橫秋閣

秋山萬尺深影落杯酒中登臨豈不佳寒色見遠空
未忘天下憂邊塵起秋風

萬石亭

嵐光近却無一徑緣崖斷危亭勢欲飛翠石雲中亂
小心闕清遊懷人發長歎

建寧府志

卷之四十五

五言古一

九

一百三十
茂

桂巖

山中多桂樹亭亭傍幽巖微風發秋香十里穿松杉
誰歌招隱詞吾生付長鑱

百花臺

森沈徑易迷搢筇爲徘徊何處春光多時登百花臺
主人澹無情林花爲誰開

醑醑洞

不愛醑醑花愛此醑醑樹青條含露滋輕陰覆行路
書水倦尋書時來散幽步

意遠亭

雨餘陂水平徙倚聊一望歸雲淡欲無宇宙何清曠
吾心遊太虛聊寄此亭上

過胡文定宅

宋張栻

八門認碧溪循流識深源念我昔此來及今七寒暄
人事經幾變寒花故猶存堂堂武夷翁道義世所尊
永袖霖雨手琴書賁丘園當時經行地尙想笑語溫
愛此亭下水炯若玻璃盤晴時浪花湧靜見潛鱗翻
朝昏遞日月俯仰鑑乾坤因之發深感倚檻更無言

建寧府志

卷之四十五

五言古一

十

二百
茂

風泉亭

宋朱熹

澗谷居永久高情未云酬茲焉發天秘始造寒巖幽
上有茂樹陰下有清泉流結茅倚巖峭鑿磴窮嵌丘
翠壁自屏立青蘚亦環周竭來憇永夏凜若臨清秋
仰空詠笙竽俯檻鏘琳瑯幽聽一以會悠然與神謀
遐哉超世心暇日聊娛憂笑問車馬客誰能此淹留

宿武夷觀

宋劉說道

度溪造靈境臺殿隱山曲虛堂留白雲今夕得同口
扁舟計巴具清曉泛春綠

昇真觀

琳館鬱巖堯四面俱絕壁危梯不凌雲愧我老無力
何當求靈丹一服生羽翼

玉女峯

嘉名寔世想竒態由天造亭亭照綠水獨立爲誰好
口口看遊人遊人還自老

僊館巖

蒼崖閔仙館時有讀書聲餘韻出林表泠泠清風生
從之不可得悵然傷我情

建寧府志

卷之四十五

五言古一

十一

一百四十
茂

靈巖一線天

巖外天自寬巖中景如暮忽然通一線虛明亘今古
誰欲論先天本來無一字

天柱峯

高標凌穹蒼卓爾信竒絕雄鎮東南維萬古終不滅
我欲借虹橋峯頭玩秋月昔聞有羣仙共浴清冷水
直上千仞岡霞霞蔽其體亦欲脫垢衣飄然挹袂去

泛九曲溪

明 吳國倫

林端日已欹心賞未云足言携武夷君泛此雲溪□

□□牽微瀾鳴榔應虛谷坐愜巒氣澄行驚練光□
□深掛巖柯虹蜺飲沙麓夾水羅羣峯參差三十六
絕壁鮮棲禽云有仙人屋仙去無還期微茫睠遺躅

登武夷

名山奠南隩甲觀浮雲齊上闢羣仙府下纏九曲谿
琪樹榮青林文鳥翔丹梯出没霏露間永日恣攀躋
金光吐靈穴真氣耿不迷何當遇錢鏗挾我霞外棲
楚楚黃冠子抵掌譚刀圭豈其大丹訣乃托空筌蹠

仙陽亭

浦城

梁江淹

建寧府志

卷之四十五

五言古一

十一

三百二十

茂

擘淚訪亭候茲地乃閩城萬古通漢使千載連吳兵
瑤磻夔嶽萃銅山鬱縱橫方水埋金牖圓岸伏丹瓊
下視雄虹照俯看彩霞明桂枝空命折煙氣坐自驚
劍逕差前檢岷山慙舊名伊我從霜露僕御復孤征
楚客心命絕□願聞越聲

看松菴

明陶安

太占有積翠怪虬託窟穴皮鱗老閱歲髯髮硬如戟
晝劈晴雲開夜攫明月食偃躍天可依忍冷冬不蟄
路絕人罕到一士臥空壁每從晨啓扉終日對森碧

相看久無厭稚子笑成癖憶昔初看時 松盡經歷
涼陰冪窓几深黛滴巖石無乃肉眼觀玩物猶滯迹
邇來坐庵中一松了無覲不在形色求能以神氣得
堅朴藏大用後凋秉天德幽懷與俱化此境遂真適
好風忽相過清音起冥寂

環中亭

葉葵

羣山四迴抱規旋若環中坤維囿元化虛汜涵鴻濛
丹葩耀玄圃蒼崖列崇墉八窓濕空翠 室春融融
幽人理瑤徽坐石彈松風棋聲 清晝金玉相撞春
建寧府志 卷之四十五 五言古一 十三 二百九十四 茂
舉觴引流霞延目送飛鴻游心無端倪循環亦何窮
倚欄發長嘯白雲起前峯

政和十詠

白雲精舍

明趙迪

幽齋白雲裏苔徑隱林樾空庭落葉多深竹書聲歇
賢人久不過前修跡蕪沒涼飈響踈林猶疑絃誦發
滿月洞天

洞天絕人境清輝夜常滿松際天影寒洞口林光散
昔人煉鼎處石竈雲猶暖風篁如笙鸞時見彩雲斷

風山龍井

瑤峯有神井龍潛不可測
苔沒古甃深草暝寒泉
詎非泰華峯猶疑蘓耽宅
仙人胡不歸惟餘此靈跡

天柱獅巖

岩堯天柱峯幽巖如白澤
形若神獸蹲影類巨鰲立
日出陽崖紅雲歸陰林黑
詎非鑿混茫猶如神禹跡

銅盤夜月

麻姑承露盤歲久化爲石
若人羽化去留此知何日
苔滋古色深露滴寒光白
惟有月明時清輝照如昔

建寧府志

卷之四十五

五言古一

十四

一百八十一
茂

文筆曉雲

竒峯碧若珪晴雲白如練
溶溶雨外來靄靄林中見
秀色殊可人浮嵐映花縣
甘棠庭訟清爽氣令人羨

獎阜叢林

沉沉青蓮宅隱隱聞踈鐘
桂殿芳蘚碧蘭堦落葉紅
經聲出深竹石瀨鳴寒松
東林有佳興解綬來相從

洞宮丹室

仙人有丹室遙隔翠微裏
石鼎雲影紅星壇霞氣紫
□□散暮聲璧月落秋水
靈跡今尙存神光夜中起

禪巖夕照

空巖夕照來寒入野僧定歸鳥帶殘光連雲度蘿徑
禪房掩暮山楓林起煙磬幽人獨去來凭軒足清聽
星水朝霞

旭日升東林初照星溪水晴光散彩雲餘影亂成綺
隱映桃花潭香靄武陵水韋齋有精舍空山何處是

雲根書院遺址

明 郭斯卮

太極一以開陰陽互推遷萬化何紛紛不復知本源
大道既茫茫遂有元與禪捷徑生荆棘行者始多顛

建寧府志

卷之四十五

五言古一

十五

二百四十四

□

像教由茲起乃復增塵緣我思魯中叟上繼勲華傳
精一允執中昭如日麗天遺經細披閱篇篇皆實言
夫何三代下舉世相棄捐

藝文

題詠七

排律

送正言楊學士億之任縉雲

宋 王禹偁

弱冠珥朝簪 堪宜翰林重
違君厚遇聊奉母歡心
筆削畱惇史囊裝貯賜金帆
張淞河濶山對括蒼深
暫欲趨朝馬垂問故國禽
幽蘭南澗採滑酒北堂斟
務簡慵開閣家豐不典琴
綵衣方侍養紅藥卽供吟
我占掖垣久自驚年鬢侵
妨賢兼罔極相送淚盈襟

建寧府志

卷之四十五

題詠排律七

一

二百九十八
肖

銅鉢山

徐 輔

山勢接諸天鐘聲謁老禪
逃空因有相出世豈無緣
萬事浮雲外三生古道邊
閒依點首石靜敵醒心泉
林蔓青絲棘池搖白羽蓮
登臺觀日出汲井駭龍眠
銅鉢今猶在紅爐久尙然
卻憐迷路客塵海未歸舩

登湛盧有感并引

明 汪 玩

予公幹至松溪事竣邑尹豸山黃君進曰距縣治
一舍許山曰湛盧隆崧崱嶽朱子嘗杖屨焉請一
遊乎予時方病肺因思此山爲我朱子所不棄必

奇峭秀麗可喜可愕可棲可觀可以盪精神滌沉
疴爲諾曰往哉次晨出南門容與至山麓遊興益
銳直躋其巔西顧空洞重岡複嶺秀巘奇峯聯青
絡翠蜿蜒於百里者交湊目前應接弗暇返顧松
邑若在烏下瓦屋鱗鱗女城齒齒掩映於煙樹霞
靄間郭外良田秋稻青黃相雜河流潏洄若帶經
於其中隱然如圖畫退訪朱子遺蹟蕪沒無徵惟
佛子舍三區森然出林表予俯慨久之時同遊鄉
太守暉峯葉君邑學博平樂廖君司訓浦江鄭君
成排律一首識其事時丙申重九前五日也

建寧府志

卷之四十五

題詠排律七

二

三百六十

肖

臨川徐君鄉進士范君暨予與豸山爲七人焉因
偶爾乘公暇飄然到上方直揆神禹穴暫憇贊公房
翠律襟南海崑崙接上蒼叢蘿風細細幽澗水浪浪
巢老鶴雛長林滾瑤草芳行行看鳥背曲曲轉羊腸
目極天垂地坐餘雲滿床石奇 虎踞松古應龍翔
諸阜咸兒輩孤嵩是鴈行憑軒朱鳥近拂徑紫芝香
沆瀣侵衣冷琅玕蔭座涼靜觀忘俗慮行處助詩狂
盤谷乾坤迴天池歲月長諸君同倡和此日共徜徉

吊古成蒼狗傷今覩餼羊前賢遺軌範後學念羹墻
道脉傳洙泗人豪仰紫陽杖藜蹤蹟處山谷斗星光
林莽嗟斜徑書齋幻佛堂山靈蒙厚恥宦迹幾驚傷
抗疏慚韓子祛祠慕狄梁此行端有繼應不爲遊荒

和

鄭廷綬

劒化山仍在巘岼甲一方登臨多上客割據有僧房
秋入川原淨燼舍竹樹蒼幢翻巖氣溼磬雜水聲浪
林狷時矜捷園花謾鬪芳風來清酒思地迴豁詩腸
幽討窮泉竇間眠□□□□峯□突兀萬壑勢翱翔

建寧府志

卷之四十五

題詠排律七

三

三百四十五

肖

氣秀連蓬島根蟠接太行披圖昭物象拂袖挹天香
勝賞宏開宴忘歸飫晚涼與人非獨樂宜俗未爲狂
興共層霄遠情牽萬里長俊才方逸發佳境足徜徉
經濟超躄兔威儀竝羔羊異端多黜陟吾道沒宮墻
返舍回殘照揮戈仗魯陽潤崖增玉暈媚澤產珠光
大雅還千古祥星聚一堂鳴岡占鳳至返袂息麟傷
尼父能興魯鄒軻獲遇梁再遊應改色聖化接遐荒

從登湛盧

明 黃金

南國富形勝茲山特傑魁簪纓閒陟覽杖屨喜從□

人在半空立江從萬里來陬維舉目盡煙霧笑談開
百頃青黃繪千重紫翠堆搜奇方踊躍感古卻遲回
歐冶難逢已紫陽安在哉五龍腥啜血六籍掇坑灰
氣自擅清淑俗憐迷幻豎儒宮淪寂寞梵刹壓崔嵬
劒井何曾涸仙葩異衆栽神靈發間代佐理足英才
興逸凌高鳥情忘踞綠苔遊荒還其戒犢獨尙堪哀
白雪人稀和青雲騎倦回題名聯片石飛焰燭三台
願溥清朝化思先正學培前賢祠宇復一奮掃蒿萊

藝文

題詠八

詩餘

題南真觀丹成閣

滿江紅

宋 游次公

一騎歸來何太晚，髻絲如織，嘆息淒涼。往事盡成陳迹。山迫暮煙浮紫翠，溪搖寒浪翻金碧。看長虹，渴飲下青冥，危欄溼。誰可住，煙蘿側。俗士駕，當回勒。伴巖扃，須是碧雲仙客。風月已供無盡藏，溪山更羨清涼。國恨謫仙蘇，二不曾來，無人識。

建寧府志

卷之四十五

題詠八

一

二百八十四

滄洲

水調歌頭

朱熹

富貴有餘樂，貧賤不堪憂。誰知天路幽險，倚仗互相酬。請看東門黃犬，更聽華亭清唳，千古恨難收。何似鷗夷子，散髮弄扁舟。鷗夷子，成霸業，有餘謀。致身千乘卿相，歸把釣魚鉤。春晝五湖煙浪，秋夜一天雲月，此外儘悠悠。永棄人間事，吾道付滄洲。

武夷

水調歌頭

宋 唐仲實

武夷最佳處，晴氣碧於藍。遠瞻崖壑，溪曲六六與三三。莫問塵生滄海，休歎鶴歸華表，好景且容揆。鐵笛

破口睡黑雨滿溪潭 笑神僊畱蛻骨閱空巖幾人
蹭蹭不遇太史滯周南最好壇場老子筆底文章如
許何必事清談暫憇桃花下白馬稅飛驂

又臨江仙

宋何守謙

山下青溪溪上渡舟迴九曲皆奇諸峯羅列翠屏圍
煙霞今閩苑花木昔瑤池 念念神仙無覓處洞天
畱在靈祠從教猿鶴笑吾癡還山非不樂未忍負明
時

又金縷衣

宋鄭黻

建寧府志

卷之四十五

題詠八

二

二百九十六

肖

秋半虹橋路是曾孫幾塵夙幸此生奇遇天上人間
同宴集仙樂風飄處處遍紛郁非煙非霧光近玉皇
顏咫尺共歡呼鼇抃霞觴舉高會散碧雲暮 至今
瑞鶴猶能舞幾千年同亭祠下賽神簫鼓再拜乞靈
三奠酒小駐霓旌容與半隱約如傳好語爲送維魚
來入夢向龍潭時灑紛紛雨齊和曲踏歌去聽賓雲
遺曲

太虛巖 蝶戀花

明丘四可

占壑流連尋趣步淅瀝泉飛寒石煙雲護數椽曲房

羅翠霧幽懷可是人能悟 風月江山懸客暮爲惜
芳年聊取柔腸付從昔金蘭多陌路而今管鮑休相
誤

建寧府志卷之四十五 終

建寧府志

卷之四十五

題詠八

三

□□八十四
□